

RAZVOJNO-GARANTNI FOND BRČKO DISTRIKTA BIH

STATUT

Brčko, 03.08.2010. godine



Upravni odbor Razvojno-garantnog fonda Brčko distrikta BiH, na osnovu člana 11 Zakona o pravnim licima koje osniva Brčko distrikt BiH ("Službeni glasnik Brčko distrikta BiH", broj 10/02) i člana 9 Odluke o osnivanju Garantnog fonda "GFBD" Brčko distrikta BiH, broj 01-014-010665/04 od 16.09.2004. godine, u skladu sa Odlukom o izmjeni i dopuni Odluke o osnivanju Garantnog fonda "GFBD" Brčko distrikta BiH, broj 01.1-05-007952/09 od 24.07.2009. godine i Odlukom o izmjeni i dopuni Odluke o osnivanju Garantnog fonda "GFBD" Brčko distrikta BiH, broj 01.1-05-007673/09 od 25.09.2009. godine, na 21.-oj sjednici održanoj dana 03.08.2010. godine, donosi

STATUT RAZVOJNO-GARANTNOG FONDA BRČKO DISTRIKTA BiH

I – OPŠTE ODREDBE

Član 1

Razvojno-garantni fond Brčko distrikta BiH je pravno lice osnovano kao neprofitna institucija, Odlukom gradonačelnika Brčko distrikta BiH, broj 01-014-773/03 od 20.02.2003. godine, Odlukom o izmjeni i dopuni Odluke o osnivanju Garantnog fonda "GFBD" Brčko distrikta BiH, broj 01.1-05-007952/09 od 24.07.2009. godine i Odlukom o izmjeni i dopuni Odluke o osnivanju Garantnog fonda "GFBD" Brčko distrikta BiH, broj 01.1-05-007673/09 od 25.09.2009. godine a na osnovu člana 3 Zakona o pravnim licima koje osniva Brčko distrikt BiH ("Službeni glasnik Brčko distrikta BiH", broj 10/02).

II – NAZIV I SJEDIŠTE

Član 2

Naziv: Razvojno-garantni fond Brčko distrikta BiH.

Skraćeni naziv: "RGFBD".

Sjedište: Cvijete Zuzorić bb. Brčko distrikt BiH.

Član 3

"RGFBD" može promijeniti naziv i sjedište odlukom osnivača.

Član 4

"RGFBD" je dužan da koristi puni ili skraćeni naziv.

Naziv ili skraćeni naziv ističe se na poslovnim prostorijama "RGFBD".

"RGFBD" može imati zaštitni znak, idejno-grafičko rješenje koje odobrava Upravni odbor Fonda.

Član 5

"RGFBD" ima pečat okruglog oblika, prečnika 40 mm, u kome je, ćirilicom i latinicom, po obodu ispisan tekst: "Razvojno-garantni fond Brčko distrikta BiH" a u središtu pečata "RGFBD".



"RGFBD" ima štambilj četverougonog oblika koji sadrži naziv, a služi za ovjeru prijema akata.

Način upotrebe, čuvanje i broj pečata i štambilja utvrđuje se posebnim opštim aktom.

III – DJELATNOST RGFBD

Član 6

U skladu sa Zakonom o standardnoj klasifikaciji djelatnosti Brčko distrikta BiH ("Službeni glasnik Brčko distrikta BiH", broj 4/01 i 8/02) "RGFBD" obavlja sljedeće djelatnosti:

- 65.222 Ostalo kreditno posredovanje
- 65.230 Ostalo finansijsko posredovanje, na drugom mjestu ne spomenuto;
- 67.120 Posredovanje u poslovima s vrijednosnim papirima
- 67.130 Pomoćne djelatnosti u finansijskom posredovanju, na drugom mjestu ne spomenute;
- 74.130 Istraživanje tržišta i ispitivanje javnog mnjenja;
- 74.140 Savjetovanje u vezi sa poslovanjem i upravljanjem.

Član 7

"RGFBD" može promijeniti djelatnost odlukom osnivača.

Član 8

Područje djelovanja "RGFBD" je Brčko distrikt BiH.

IV – AKTIVNOSTI RGFBD

Član 9

"RGFBD" se osniva u svrhu implementacije razvojnih projekata i davanja garancija za kredite malim i srednjim preduzećima, samostalnim preduzetnicima i registrovanim poljoprivrednim gazdinstvima i to u okviru dvije linije:

1. Davanje garancija za kreditiranje malih i srednjih preduzeća i samostalnih preduzetnika u cilju bržeg zapošljavanja,
2. Davanje garancija za kreditiranje registrovanih poljoprivrednih gazdinstava.


"RGFBD" daje kreditne garancije kreditno sposobnim klijentima koji ispunjavaju uslove za dobijanje kredita od partnerskih kreditnih institucija, a koji ne mogu ponuditi zahtjevane kolaterale.

"RGFBD" će implementirati razvojne projekte na području Brčko distrikta, odobravati subvencije na kamate po programima koje odobri Vlada i Skupština Brčko distrikta BiH.

V – CILJEVI RGFBD

Član 10

- Implementacija razvojnih projekata na području Brčko distrikta BiH;
- Udovoljiti visokoj potražnji za kreditima za razvoj registrovanih poljoprivrednih gazdinstava, malih i srednjih preduzeća i samostalnih preduzetnika, kako bi se poboljšao pristup kreditima, naročito za ona registrovana poljoprivredna gazdinstva, mala i srednja preduzeća



Samostalne preduzetnike kojima nedostaju kvalitetni instrumenti obezbjeđenja povrata kredita (kvalitetan kolateral, garancija itd.);

Pružati stručnu pomoć Vladi Brčko distrikta BiH i institucijama nadležnim za implemetaciju razvojnih planova i programa u vezi sa razvojem malih i srednjih preduzeća, samo stalnih preduzetnika i poljoprivredne proizvodnje;

- Privlačenje novih sredstava u Brčko distrikt BiH, povećanje konkurentnosti koja će imati pozitivan uticaj u smislu kvalitetnog pristupa kreditima za stanovništvo Brčko distrikta BiH, što će doprinijeti povećanom razvoju.

VI – IZVORI FINANSIRANJA RGFBD

Član 11

“RGFBD” će se finansirati iz sljedećih izvora:

1. Budžeta Vlade Brčko distrikta BiH,
2. Finansijskih doprinosa od donatora,
3. Međunarodnih donatorskih finansiranja projekata ili ugovora,
4. Od publikacija
5. Prihoda od kamata na portfolio “RGFBD”.

VII – ORGANI RGFBD

Član 12

Organi “RGFBD” su:

- Upravni odbor “RGFBD”
- Direktor “RGFBD”.

1. UPRAVNI ODBOR RGFBD

Član 13

Upravni odbor “RGFBD” upravlja “RGFBD”.

Član 14

Upravni odbor se sastoji od pet (5) članova i to predsjednika i četiri (4) člana, sa jednakim pravom glasa.

Članove Upravnog odbora imenuje gradonačelnik Brčko distrikta BiH, nakon provedenog postupka javnog konkursa, na prijedlog Komisije za odabir članova Upravnog odbora, uz saglasnost Vlade Brčko distrikta BiH.

U sastav Upravnog odbora Razvojno-garantnog fonda Brčko distrikta BiH imenovat će se dva predstavnika iz reda zaposlenika Vlade Brčko distrikta BiH i tri predstavnika iz reda građana.

Kriterije za odabir članova Upravnog odbora i komisiju za odabir utvrđuje odnosno imenuje Gradonačelnik Brčko distrikta BiH posebnom odlukom.



Članovi Upravnog odbora imenuju se na period od četiri (4) godine, uz mogućnost ponovnog imenovanja.

Članovi Upravnog odbora mogu biti razriješeni i prije isteka mandata na koji su imenovani.

Član 15

Nadležnosti i ovlaštenja Upravnog odbora:

1. Nadzor i kontrola poslovanja "RGFBD",
2. Donosi opšte i pojedinačne pravne akte "RGFBD",
3. imenuje i razrješava direktora "RGFBD",
4. zaključuje ugovor sa direktorom "RGFBD",
5. odobrava razvojne projekte uz saglasnost Vlade Brčko distrikta BiH,
6. usvaja pravila o postupku i načinu odobravanja razvojnih projekata uz saglasnost Vlade Brčko distrikta BiH,
7. donosi odluke po programima subvencioniranja,
8. odobrava kreditne garancije,
9. usvaja program rada i plan razvoja "RGFBD",
10. usvaja kvartalne i godišnji izvještaj o finansijskom poslovanju "RGFBD",
11. odlučuje o drugim pitanjima u skladu sa zakonom, osnivačkim aktom i Statutom "RGFBD".

Član 16

Predsjednik Upravnog odbora:

- priprema, saziva, koordinira i vodi rad Upravnog odbora,
- potpisuje odluke Upravnog odbora,

Član 17

Članovi Upravnog odbora imaju pravo na naknadu za rad, iz sredstava "RGFBD", u visini određenoj odlukom Upravnog odbora "RGFBD".

Saglasnost na odluku o visini naknade članovima upravnog odbora daje Vlada Brčko distrikta BiH.

1.2. ZASJEDANJE I ODLUČIVANJE UPRAVNOG ODBORA

Član 18

Rad Upravnog odbora "RGFBD" odvija se u sjednicama.

Sjednicu Upravnog odbora saziva predsjednik, najmanje jednom mjesečno.

Vanrednu sjednicu Upravnog odbora može sazvati direktor ili Upravni odbor, na pismeni zahtjev najmanje 2 člana Upravnog odbora.

Član 19

Sjednice Upravnog odbora održavaju se po isteku radnog vremena članova Upravnog odbora – zaposlenika Vlade Brčko distrikta BiH.

Član 20

Sjednicom Upravnog odbora predsjedava predsjednik Upravnog odbora.



U slučaju odsutnosti ili spriječenosti predsjednika, dužnost predsjednika obavlja zamjenik predsjednika.

Član 21

Predsjednik Upravnog odbora dostavlja poziv za sjednicu članovima Upravnog odbora najmanje dva (2) dana prije održavanja sjednice.

Poziv sadrži datum, mjesto i vrijeme održavanja sjednice i predloženi dnevni red.

Uz poziv se dostavlja materijal potreban za raspravljanje o tačkama predloženog dnevnog reda.

Član 22

Članovi Upravnog odbora imaju pravo i obavezu da prisustvuju sjednicama Upravnog odbora i učestvuju u donošenju odluka Upravnog odbora.

Ako član Upravnog odbora nije u mogućnosti da prisustvuje sjednici dužan je o tome obavijestiti predsjednika, najmanje 24 časa prije održavanja sjednice.

Direktor "RGFBD" prisustvuje sjednicama Upravnog odbora.

Član 23

Za održavanje sjednice Upravnog odbora potreban je kvorum od najmanje tri (3) člana.

Član 24

Na početku sjednice predsjednik Upravnog odbora predlaže dnevni red.

Svaki član Upravnog odbora može da predloži izmjene i dopune predloženog dnevnog reda.

Član 25

Dnevni red usvajaju članovi Upravnog odbora i raspravljaju o svim tačkama usvojenog dnevnog reda.

Član 26

Predsjednik Upravnog odbora će obezbjediti vođenje zapisnika o radu na sjednici Upravnog odbora.

Zapisnik sadrži osnovne podatke o raspravi na sjednici, rezultatima glasanja i usvojenim odlukama.

Zapisnik potpisuju prisutni članovi Upravnog odbora, direktor i zapisničar.

Članovi Upravnog odbora i direktor imaju pravo na ispravku zapisnika ili stavljanja primjedbi na isti.

Uz zapisnik se prilažu pismeni prijedlozi i izvještaji podneseni Upravnom odboru.

Član 27

Upravni odbor donosi odluke većinom glasova od ukupnog broja prisutnih članova Upravnog odbora.

Odluke potpisuje predsjednik Upravnog odbora.

Član Upravnog odbora koji se ne slaže sa odlukom većine može, na vlastiti zahtjev, tražiti da se njegovo mišljenje izdvoji i zapisnički konstatuje.

Direktor nema pravo glasa na sjednicama Upravnog odbora.

Član 28

Upravni odbor odlučuje javnim glasanjem.

2. DIREKTOR RGFBD

Član 29

Direktor organizuje i vodi poslovanje "RGFBD".

Član 30

Nadležnosti i obim ovlaštenja direktora:

1. predstavlja i zastupa "RGFBD",
2. odgovora za zakonitost rada "RGFBD",
3. zaključuje ugovore,
4. potpisuje kreditne garancije, uz potpis predsjednika Upravnog odbora,
5. vrši analizu zahtjeva za davanje kreditnih garancija, a koja podrazumijeva kontrolu formalno-pravne ispravnosti zahtjeva i kontrolu kreditne istorije klijenta za kojeg je podnešen zahtjev,
6. predlaže Upravnom odboru odobravanje ili ne odobravanje zahtjeva za davanje kreditnih garancija, u iznosu do 15.000,00 KM, uz obrazloženje prijedloga,
7. samostalno raspolaze sredstvima predviđenim za tekuće troškove "RGFBD" u iznosu do 500,00 KM,
8. raspolaze sredstvima "RGFBD" u iznosu višem od 500,00 KM, uz potpis jednog člana Upravnog odbora, izuzev računa koji se odnose na režijske troškove, plate zaposlenih i naknade članovima Upravnog odbora,
9. predlaže program rada i preduzima mjere za njihovo sprovođenje,
10. pripremanje kvartalnih finansijskih izvještaja i godišnjeg izvještaja o radu i prezentacija istih Upravnom odboru,
11. izvršava odluke Upravnog odbora,
12. vrši analize zahtjeva po programima subvencioniranja i predlaže odluke Upravnom odboru,
13. izvještava Vladu Brčko distrikta o sprovođenju programima koje Vlada odobri,
14. obavlja i druge poslove u skladu sa zakonom, Osnivačkim aktom, Statutom i odlukama Upravnog odbora.

Član 31


Direktor može u okviru svojih ovlaštenja dati drugom licu pismenu punomoć za zastupanje "RGFBD", uz saglasnost Upravnog odbora.

Član 32

Direktor je dužan svoje obaveze i odgovornosti izvršavati profesionalno i savjesno, u skladu sa zakonom, Osnivačkim aktom "RGFBD", Statutom "RGFBD", odlukama Upravnog odbora i ugovorom zaključenim sa Upravnim odborom.

Član 33

Direktor ne može biti osnivač, zaposleni ili zastupnik drugog pravnog lica.



Član 34

Mandat direktora traje četiri (4) godine, uz mogućnost ponovnog imenovanja.

Član 35

Direktor može biti razriješen dužnosti i prije isteka vremena na koje je imenovan.

U slučaju iz prethodnog stava, Upravni odbor može imenovati vršioca dužnosti direktora, uz prethodnu saglasnost gradonačelnika Brčko distrikta BiH, do imenovanja novog direktora "RGFBD".

VIII – OPŠTI AKTI RGFBD

Član 36

Opšti akti "RGFBD" su:

- statut,
- pravilnici
- odluke Upravnog odbora kojim se na opšti način uređuju određena pitanja ili odnosi u "RGFBD",
- drugi opšti akti.

Član 37

Statut donosi Upravni odbor "RGFBD", većinom glasova od ukupnog broja članova Upravnog odbora, a potpisuje predsjednik Upravnog odbora uz prethodnu saglasnost Vlade Brčko distrikta.

Član 38

Izmjene i dopune ovoga Statuta se donose na način propisan za njegovo donošenje.

Član 39

Opšti akti stupaju na snagu narednog dana nakon njihovog objavljivanja, osim pravilnika o radu koji stupa na snagu osmog dana od dana objavljivanja.

Objavljivanje opštih akata se vrši isticanjem na oglasnoj tabli u sjedištu "RGFBD".

Izuzetno, od odredaba prethodnog stava, pojedini opšti akti mogu stupiti na snagu danom donošenja, ako priroda pitanja koje se uređuje ili hitnost rješavanja određenog pitanja to zahtjeva.

IX – PRESTANAK RADA RGFBD

Član 40

"RGFBD" prestaje sa radom u skladu sa zakonom i Statutom i to:

1. odlukom osnivača "RGFBD",
2. odlukom Upravnog odbora, ako su prestali uslovi za obavljanje djelatnosti, uz prethodnu saglasnost osnivača "RGFBD".

X – JAVNOST RADA RGFBD

Član 41

Upravni odbor podnosi osnivaču "RGFBD" godišnji izvještaj o radu "RGFBD".

"RGFBD" i/ili osnivač "RGFBD" daju javna saopštenja o pitanjima koja se odnose na funkcionisanje "RGFBD".

XI – ARHIVA

Član 42

"RGFBD" je obavezan trajno čuvati dokumentaciju, uključujući zapisnike Upravnog odbora, evidencije o prisustvu i glasanju, obavještenja i pozive za sjednicu Upravnog odbora.

XII – ZAVRŠNE ODREDBE

Član 43

Donošenjem ovog Statuta prestaje primjena Statuta Garantnog fonda "GFBD" Brčko distrikta BiH, broj 51/04 od 25.10.2004. godine.

Član 44


Opšti akti, čije je donošenje predviđeno ovim Statutom, donijete se u roku od 90 dana od dana stupanja na snagu ovog Statuta.

Član 45

Ovaj Statut stupa na snagu narednog dana od dana objavljivanja na oglasnoj tabli "RGFBD".

Broj: 105/10

Brčko, 03.08.2010. godine



Predsjednik
Upravnog odbora

Azrudin Preljević
Azrudin Preljević, dipl.ecc

Broj: 235-2/12

Datum: 19.10.2012. godine

Upravni odbor Razvojno-garantnog fonda Brčko distrikta BiH, na osnovu člana 11 stav (2) Zakona o pravnim licima koje osniva Brčko distrikt BiH ("Službeni glasnik Brčko distrikta BiH", broj 10/02) i člana 15 Statuta Razvojno-garantnog fonda Brčko distrikta BiH, broj 105/10 od 03.08.2010. godine, a u skladu sa Odlukom o izmjeni Odluke o osnivanju Razvojno-garantnog fonda Brčko distrikta BiH broj: 01-014-010665/04 od 16.09.2004. godine, broj 05-001696/11 od 11.07.2012. godine i Zaključkom o ispravci greške u Odluci o izmjeni Odluke o osnivanju Razvojno-garantnog fonda Brčko distrikta BiH, broj 05-001696/11 od 11.07.2012. godine, na 25.-oj sjednici održanoj dana 19.10.2012. godine, donosi

ODLUKU

o izmjeni Statuta Razvojno-garantnog fonda Brčko distrikta BiH
broj 105/10 od 03.08.2010. godine

Član 1

Ovom Odlukom vrši se izmjena Statuta „RGFBD“ broj 105/10 od 03.08.2010. godine.

Član 2

Član 6 Statuta „RGFBD“, broj 105/10 od 03.08.2010. godine, se mijenja i glasi:

„U skladu sa sa Odlukom o klasifikaciji djelatnosti Brčko distrikta BiH (Službeni glasnik Brčko distrikta BiH broj 1/11 od 17.01.2011. godine), „RGFBD“ obavlja slijedeće djelatnosti:

64.92 – Ostalo kreditno poslovanje;

64.99 – Ostale finansijske uslužne djelatnosti, osim osiguranja i penzionih fondova, d.n.;

66.12 – Djelatnost posredovanja u poslovanju papirima od vrijednosti i robnim ugovorima;

66.19 – ostale pomoćne djelatnosti u finansijskim uslugama, osim osiguranja i penzionih fondova;

70.22 – Savjetovanje u vezi sa poslovanjem i ostalim upravljanjem;

73.20 – Istraživanje tržišta i ispitivanje javnog mnijenja;

74.90 – Ostale stručne, naučne i tehničke djelatnosti, d.n..“

Član 3


U članu 9 stav (1) tačka 1. Statuta „RGFBD“, broj 105/10 od 03.08.2010. godine, riječi: "u cilju bržeg zapošljavanja", se brišu.

Član 5

Ova Odluka stupa na snagu danom donošenja.

Dostavljeno:

1. Članovima Upravnog odbora,
3. Evidenciji,
4. Arhivi.



Predsjednik

Upravnog odbora:

Azrudin Preljević, dipl. ecc